

Na osnovu člana 119. stav 1. Odluke o provedbenim propisima Zakona o carinskoj politici Bosne i Hercegovine ("Službeni glasnik BiH", br. 63a/04, 60/06 i 57/08), člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), direktor Uprave za indirektno oporezivanje donosi

U P U T S T V O

O DOPUNAMA UPUTSTVA O POPUNJAVANJU CARINSKE PRIJAVE I ZBIRNE PRIJAVE

Član 1.

U Uputstvu o popunjavanju carinske prijave i zbirne prijave ("Službeni glasnik BiH", br. 43/19, 21/20 i 3/21) u Prilogu 2. (Šifre koje se koriste za popunjavanje carinske prijave) iz člana 14. stav (7) vrše se dopune kako glase:

Iza šifarnika "15.5. Šifra za oslobađanje od plaćanja po osnovu Odluke Vijeća ministara Bosne i Hercegovine (oslobađanje za doniranu opremu i sredstva namijenjena isključivo za prevenciju, suzbijanje i otklanjanje pandemije virusa korona COVID-19)", dodaje se novi šifarnik 15.6. koji glasi:

"15.6 Šifra za oslobađanje od plaćanja na uvoz medicinskih protivmjera za sprječavanje i suzbijanje širenja zarazne bolesti COVID -19

Šifra koja se koristi u drugoj potpodjeli polja 37 carinske prijave za stavljanje u slobodan promet uz oslobađanje od plaćanja dažbina na robu na koju se odnosi Odluka o oslobađanju od plaćanja indirektnih poreza na medicinske protivmjere za sprječavanje i suzbijanje širenja zarazne bolesti COVID-19 ("Službeni glasnik BiH", broj 1/21) je sljedeća (an3):

| Šifra | Osnov | Opis |
|-------|--|--|
| 4VK | čl. 1. i 2. Odluke o oslobađanju od plaćanja indirektnih poreza na medicinske protivmjere za sprječavanje i suzbijanje širenja zarazne bolesti COVID- 19 | oslobađanje od plaćanja <i>carine, poreza na dodanu vrijednost i drugih indirektnih poreza na uvoz medicinskih protivmjera</i> prema čl. 1. i 2. navedene odluke." |

U šifarniku "19.1. Šifre za dodatne informacije/priložene dokumente/uvjerenja i odobrenja, osim za dokumenta za carinske povlastice - polje 44", iza rednog broja 146. dodaju se novi redni brojevi 147. i 148. koji glase:

| | | |
|-------|--|-----------------------|
| "147. | potvrda Ministarstva civilnih poslova Bosne i Hercegovine iz člana 2. tačka a) Odluke o oslobađanju od plaćanja indirektnih poreza na medicinske protivmjere za sprječavanje i suzbijanje širenja zarazne bolesti COVID- 19 | PMVK ⁽¹⁾ |
| 148. | odgovarajući akt nadležnog tijela o ispunjavanju uvjeta u vezi predmetnog uvoza medicinskih protivmjera propisanih Zakonom o lijekovima i medicinskim sredstvima ("Službeni glasnik BiH", broj 58/08), a shodno članu 2. tačka b) odluke navedene pod rednim brojem 147. ovog šifarnika. | ZLVK ⁽¹⁾ " |

Legenda:

- (11) Šifre "PMVK" iz polja 44 carinske prijave vezane su za šifru "4VK" u polju 37/2.
i "ZLVK": Šifra "4VK" koristi se u polju 37/2 carinske prijave za puštanje u slobodan promet uz oslobađanje od plaćanja carine, poreza na dodanu vrijednost i drugih indirektnih poreza medicinskih protivmjera na koje se odnosi navedena odluka.

Član 2.

Ovo uputstvo stupa na snagu danom donošenja i objavljuje se u "Službenom glasniku BiH" i na službenoj stranici UIO: www.uino.gov.ba.

Broj: 01-02-2-415- 3 /21
Banja Luka, 10.02, 2021. godine



DIREKTOR

[Signature]
Dr. MIRO DŽAKULA